

Aldiënza dla defensuria popolar a San Martin l'ater vëndres, ai 10 de merz, tl salf di stödafech dales 14.00 - 17.00; ma sön prenotaziun 0471 946 020.

PLOANIES SAN MARTIN Y LUNGIARÜ

„Ai 18 de merz 2023 inviëia le Seminar da Porsenü jogh da 16 agn insö da passé n de tl seminar por imparé da conësce la vita de seminar y le tru de stüde de teologia. An pó se prenoté cina ai 11 de merz pro le regens Markus Moling: regens@priesterseminar.it o por telefon 0472 271100. L'informaziun vëgn ince tacada sö söla tofla dan dlijia.

linvit a düc i geniturs che á n/a pice/cia möt/a, o n pice möt da batié, pers che aspeta, toc y totes de nosc Decanat, ala preparaziun dl Bato, en sabeda ai 11 de merz 2023 dales 15.00 ales 17.00, tla ciasa J.B.Rungger a Badia.

Ala fin stunse ciamó n pü' adöm pro n pice renfresch arjigné dala Uniun dles Ères da Badia; n bel dilan bele damperfora. Prenotaziuns 334 32 00 396.

Aldefora dl Liber "Laldun le Signur" él ince da ciafé tl internet devoziuns y oraziuns ladines por funziuns de Carsëma te dlijia y a ciasa sot a: <https://unitepastorala.org/comunita/ploanies/material-download/zelebrazions-liturgiches/devoziuns-comunitares.html>

SAN MARTIN

En sabeda ai 4 de merz él le De Mondial de Oraziun dles Ères cun oferta por les ères dl Taiwan. Tratan mëssa presentëia la uniun dles ères le proiet d'aiüt .

Por le iade a Spinges di/dles Seniors/es en vëndres ai 03 de merz ciarede do tl'ultima plata; prenotaziun 333 36 54 786 cina ai 28 de forá. Gnide tröc!

LUNGIARÜ

Bel dilan dles ofertes por la dlijia fates en recordanza de Monica Mischi ved. Daporta dala parentela da Mazchel, da fam. Paul Clara da Brocia, dal Cor de dlijia, da Renate Tatz, da Otto Clara cun families, da Albina Pezzei, da fam. Paul Clara da Paur, da fam. Irmgard Daporta y da fam. Berto Clara da Paur.

Iscriziuns ala Scora de musiga por l'ann 2023/24. Les iscriziuns é indô da fá "online" dal 01 cina ai 31 de merz 2023 tres le sorvisc dla provinzia "myCivis" <https://civis.bz.it/einschreibung-musikschule> - L'azes al sorvisc online vá tres SPID, CIE (cherta d'identité eletronica) o cun la "Cherta di sorvisc" ativada. - Informaziuns www.musikschule.it o tl Secretariat a La Ila 0471/847 748.

Le Museum Ladin de Tor/Aziënda Museums Provinziai chir na porsona por le sorvisc da puzené cun 15 ores al'edema. Le contrat é a tēmp determiné dai 11 d'auri cina ai 30 de novēber 2023. Recuisic ghirá: atestat dla scora elementara o avēi stlüt jö la scora d'oblianza. Sort de laur: puzené tl Museum Ladin de Tor. Por informaziuns scrí a info@museumladin.it, o tel. 0474 524020 Mené les domandes cun curriculum vitae a info@museumladin.it o les dé jö personalmēnter tl Museum Ladin a San Martin de Tor cina ai 20 de merz 2023.

Tl mëis de merz n'él ma öna che complësc i agn da 80 insö, porchël ti fajunse les audanzas de fortüna, sanité y benedisciun deplëgn a **Maria Verginer Clara** che nen complësc 80 ai 13.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

26.02. - 05.03.23 n. 14

ultimo termo por comunicaziuns: jöbia, dales 20.00

1ª DOMÈNIA DE CARSÈMA - A

Vangele do Matî 4,1-11

Spo ti él jü pormez le tentadù y ti à dit: Sce t'es le Fi de Dî, spo comana ch'al vëgnes pan fora de chëstes peres. Mo ël à respognü: Tla Scritöra vëgnel dit: Le chestian ne vir nia mâ de pan, mo de vigni parora che vëgn dala bočia de Dî. Spo l'è le malan tut cun ël tla Cité Santa y l'è metü sö insom le tēmpl y ti à dit: Sce t'es le Fi de Dî, sciürete jö, ciodich'al sta scrit tla Scritöra: Al comana sü agnui de te portè sön sües mans, che to pé ne ciumpëdes nia te na pera. Gejù ti à respognü: Tla Scritöra stal incé:

Te ne desses nia mëte le Signur, to Dî ala proa. Indô l'è le malan tut cun ël y l'è condüt sön na munt dër alta; al ti à mostrè i règns dl monn te süa gloria y ti à dit: Döt chësc ôi te dè, sce te te pëtes ia por tera y m'adorëies. Sön chëra ti à Gejù dit: Vätun, sätana! Ciodiche tla Scritöra stal: Mâ le Signur, to Dî, desste adorè y ël su desste sorvì.



Avèi assá da mangé, podëi despone dla vita, podëi comané y avèi döt tles mans. Cun chëstes tentaziuns á albü Gejù da nen fá.

Incö nen röiel almanco ciamó na quarta lapró: döt mëss crësce tres deplü: l'economia y cotant d'ater, te n monn che é ma intant gran y che á sü confins. Le planët vëgn sfrutè tan ch'ara vá, zënza ponsé a chi che vëgn do da nos. Y döt chësc vá a bëgn de chi che é bele pasciüs y nia a chi che á debojëgn. Se tigni ite, s'acontenté cun n pü' demanco y renunzié a val' foss les dërtes respostes a chëstes tentaziuns.

La buna noela che le vangele de chësta domènia nes dá ala fin é: I sun cherdá al'adoraziun y al sorvisc de Dî, ch'i podun fá cun ligrëza. image

EDEMA	SAN MARTIN	LUNGIARÜ	 I periun do l'intenziun dl Papa tl mëis de merz <i>I periun por düc chi che patësc por ferides che ti é gnüdes fates da mëmbri dla Dlijia. Ch'ai ciafes tla Dlijia instëssa na risposta concreta che ti alisirëia süa soferënza.</i> 
26.02.23 PRÖMA DOMËNIA DE CARSEMA - A	9.30 Corona por + Teresa Pedev. Flöss 10.00 Gran Mëssa por la comunité cun presentaziun di neocomunicanc de reng. a S. Ojöp da Oies 2 ^a de sopolt. por + Teresa Pedevilla Flöss + siur Paul Valentini + Rita Costabiei (dl ann) + Egon Valentin + Ida Dariz + Fonjo y Dolfo Unterweger	7.50 Les Staziuns ciantades dal Cor 8.15 Gran Mëssa por la comunité o Liturgia dla Parora	
27.02.23 <i>Julian, Gabriel</i> Lönesc			
28.02.23 <i>Roman, Silvana, Antonia</i> Dedolönesc	9.00 Mëssa por i scolars (siur Klaus) + Mariangel Tavella por les püres Animes dl purgatore		
01.03.23 <i>Albin, Davide</i> Dedemesaledema	18.00 Les Staziuns		
02.03.23 Jöbia <i>Agnese, Ines</i>	degöna mëssa	19.00 Mëssa (siur Degan) vis y def. Giuvani y Monica, Frëina + Sepl Clara, Sanví + + Serafin y Emma Clara + + Iarone Rungger y Emilia Frenes	
03.03.23 <i>Cunigunda, Tobia</i> Pröm vëndres <i>De mondial d'oraziun dles Eres</i>	18.30 Adoraziun chîta 19.00 Adoraziun deboriada	16.30 Staziuns cun i mituns	
04.03.23 Sabeda <i>Casimir, Rupert</i>	19.30 Mëssa prefestia (siur Klaus) Oferta y oraziun por les ères dl Taiwan de reng. fam. Paolo Vanzi por fam. Pire Flöss, Anví dl ann + Clara Sorà +++ Pire y Ida Erlacher y Richard Brandlechner ++ dla fam. Trebo, Tor	degöna mëssa prefestia	
05.03.23 SECUNDA DOMËNIA DE CARSEMA - A	9.00 Corona por Vocaziuns 9.30 Gran Mëssa o Liturgia dla Parora	9.30 Les Staziuns 10.00 Gran Mëssa por la comunité 3a de sopolt + Monica Mischi Daporta dl ann + Angela Costa dl ann Johann Schanung do intenziun de siur Heinrich Videsott	Gejú é sté 40 dis tl desert. Ince al dedaincö él porsones che vá a chirí la surité por ciafé tria y pesc, por ester sores cun se instësses y cun Chël Bel Dî. Ares ó ti jí do ala domanda: Por ci viri pa? Ci vijiun ái pa por mia vita? La risposta vëgn chirida tl sot dl cör, tla meditaziun, se daurin a Chël Bel Dî. Do i 40 dis müda Gejú süa vita y pëia ia: al se lascia batié y mët man da incundé. Ince sc'i ne se tolun nia n tēmp plü lunch da jí tla surité y da se dé jö plü sot cun nos instësc, orunse porvé, magari te n momënt de chît dadoman, denanche pié ia, da ponsé do y se damané: Por ci ói pa vire incö y ci vijiun y ci idea ái pa iö por mia vita. ----- Bel Dî, tres indô se pordunse tles tentaziuns de chësc monn y se lasciun trá da cosses che nes destol da jí ite te nos y da nosta conferta cun te. Scínchesse na odlada tlera che nes dëida conësce a ci ch'i sun cherdá y ci compit che vignun de nos á, y dëidesse da ti sté do cun to aiüt.